



ქალაქ თბილისის მუნიციპალიტეტის საკრებულო



დადგენილება № 54-32

“ 15 ” აპრილი 2025 წ

დ. თბილისი

„ქ.თბილისის მუნიციპალიტეტში სასაფლაოების მოწყობისა და მოვლა-პატრონობის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-103 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტის, „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის საფუძველზე, ქ. თბილისის მუნიციპალიტეტის საკრებულო ადგენს:

მუხლი 1.

შევიდეს ცვლილება „ქ.თბილისის მუნიციპალიტეტში სასაფლაოების მოწყობისა და მოვლა-პატრონობის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-103 დადგენილებაში (სსმ, ვებგვერდი: www.matsne.gov.ge; გამოქვეყნების თარიღი: 06/01/2015; სარეგისტრაციო კოდი 330130000.35.101.016104) და დადგენილებით დამტკიცებული „ქალაქ თბილისის მუნიციპალიტეტში სასაფლაოების მოწყობისა და მოვლა-პატრონობის წესის“ მე-3 მუხლს მე-6 პუნქტის შემდეგ დაემატოს შემდეგი შინაარსის 6¹ პუნქტი:

6¹. თბილისის მთავრობის თანხმობით ოპერატორს მიენიჭოს უფლებამოსილება, საქალაქო სასაფლაოს ტერიტორიაზე დაკრძალვისთვის გამოყოფილ იმ მიწის ნაკვეთებზე, რომლებიც ფაქტობრივად ათვისებულია, მოახდინოს ტერიტორიულ-სტრუქტურული ზონირება (პირველი ზონიდან მეოთხე ზონის ჩათვლით). ამასთან, აღნიშნულ საქალაქო სასაფლაოთა ტერიტორიებზე უფასოდ (ერთ ან ორ ადგილიანი) გამოიყოს მხოლოდ საგვარეულო სამარხის მომიჯნავედ არსებული თავისუფალი რესურსი ან საგვარეულო სამარხიდან ამოსვენების შედეგად გათავისუფლებული ადგილი ოჯახის წევრების ან ურთიერთთანხმობის საფუძველზე, ახლობელი ადამიანების ნეშტის დასაკრძალად.

მუხლი 2. დადგენილება ამოქმედდეს გამოქვეყნებისთანავე.

ქალაქ თბილისის მუნიციპალიტეტის
საკრებულოს თავმჯდომარე

გიორგი ტყემალაძე